


六藝之一錄

百五二



欽定四庫全書

六藝之一錄卷三百五十六

錢唐倪濤撰

歷朝書譜

元

趙孟頫

趙孟頫字子俊

孟頫弟

亦工書殊得公之家傳

書史會要

孟頫先侍郎阡表云孟頫官承務郎同知南劍州

趙雍

趙雍孟頫子以書畫知名元史

趙雍字仲穆官至集賢待制同知湖州路總管府事

雍工真行草篆篆法二李而清勁有餘真行草法魏

公公嘗為幻住菴寫金剛經未半雍足成之其聯續

處莫能辨於此見其得家傳之秘書史會要

趙奕

趙奕字仲光雍之弟隱居不仕日以詩酒自娛工真

行草書其合作者可與魏公亂真書史會要

趙仲光書梅花雜詠

趙仲光書雖不脫文敏家法而行墨結字微有不同
王子敬云外人那得知要之不可臆論也今世傳文
敏及仲穆書不少而仲光書獨不多見至其詩尤不
易得金陵許彥明藏其梅花雜詠多至五十首亦可
謂富矣仲光號西齋晚居吳中與崑山顧仲瑛交仲
瑛稱其風流文雅有王孫風度而無紈綺故態觀於
此詩有可想者文敏三子長亮次即仲穆仲光其季

也或以為次子豈以亮早卒無所見耶已卯秋題

甫田

集

趙鳳 趙麟

趙鳳字允文麟字彥徵俱雍子亦習書更益以工便可

造父之域書史會要

商挺

商挺字孟卿曹州濟陰人與元好問楊奐遊世祖在潛邸聞挺名遣使徵至鹽州入對稱旨至元六年同

僉樞密院事八年陞副使有詩千餘篇尤善隸書贈

魯國公謚文定

元史

史弼

史弼字君佐蠡州博野人中統末授金符管軍總管

元貞元年同知樞密院事三年陞平章政事封鄂國

公

元史

史弼書師晉人亦善大字

書史會要

劉賡

劉賡字熙載洺水人至元十三年授國史院編修官

至大三年拜翰林學士承旨言語字畫人寶而敬之

道園學

古錄

張孔孫

張孔孫字夢符世祖時拜侍御史行御史臺事元史

孔孫書宗王黃華書史會要

李秉彝

李秉彝字仲常世家大都通州潞縣穎悟好學十歲

能習古篆隸世祖至元初官工部尚書兩浙轉運使

嘗名其室曰閑邪世稱閑邪公

周馳閑
邪公傳

胡長孺

胡長孺字汲仲婺州永康人至元二十五年召見內

殿拜集賢修撰改教授揚州至元元年轉台州路寧

海縣主簿

元史

長孺耿介不同於俗下筆言語妙天下正書學鍾繇

剛勁骨立似其人也

書史
會要

胡之綱

胡之綱字仍仲

長孺從兄

嘗被薦書其於聲音字畫之說

自言獨造其妙惜其書不傳

元史胡長孺傳

熊朋來

熊朋來字與可豫章人薦為閩海提舉儒學官而朝

廷以東南儒學之士惟福建廬陵為最盛特起朋來

連為兩郡教授所至考古篆籀文字晚以福清州判

官致仕學者稱為天慵先生

元史

往者鶴山魏公嘗以篆法寓諸隸體最為近古近時
豫章熊先生亦用之

道園學
古錄

楊桓

楊桓字武子兗州人由濟寧路教授召為太史院校
書郎至元三十一年拜監察御史有得玉璽者桓辨
識其文曰受天之命既壽永昌即為文述璽始末成
宗即位陞祕書少監博覽羣籍尤精篆隸之學著六
書統六書沂源書學正韻行於世

元史

楊桓善大小篆嘗著六書統以詔書刻之尚方篇帙

浩穰學者莫之能究

書史會要

王惲

王惲字仲謀衛州汲縣人好學善屬文以選至京師

擢為中書省詳定官轉翰林修撰至元二十九年授

翰林學士追封太原郡公謚文定

元史

天慶寺碑學

士王惲書

周馳

周馳字景遠聊城人官至僉燕南廉訪使司事經術

贍逸行草師二王婉約豐妍

書史
會要

劉致

劉致字時中河東人官至翰林待制風情高簡蚤負
聲譽能篆有所著復古糾繆編行於世行草宗晉人

而不純熟

書史
會要

盧摯

盧摯字處道號疎齋涿郡人官至翰林學士元初稱

能詩以摯為首亦能書

書史
會要

仇遠

仇遠字仁近號山村錢塘人好古博雅楷書學歐

史書

會要

仇山村七言詩卷

予始就學時即知仇白名蓋二先生迺宋之遺老同
居錢塘名望相等一時制作多出其手學者宗之爾
時天竺南北兩山法席甚盛諸尊宿咸在無不與二

先生者游仇名遠字仁近自號山村民學者稱為山村先生蓋抱道博通之士也今觀其詩冲遠幽茂而靜退閑適之趣溢於言外信可敬也此詩乃為前住天平山士瞻和尚所書者今六十餘年矣今天平住山復菴禪師士瞻翁之法子也一旦得之如獲舊物且喜且歎既為卷俾識於左夫物之廢興成敗似有數存乎其間自兵興以來故家所藏法書珍玩殘剝毀棄鮮有脫者而是書獨完於水火瓦礫之餘而又

復歸於其後之人殊非偶然也俯仰今昔為之一慨

洪武戊辰八月東臯釋妙聲謹識

式古堂書
畫彙考

吾愛山村叟詩工字亦工波瀾唐句法瀟灑晉賢風
交好論方外英雄在彀中天平宜寶護開卷氣如虹

中吳釋弘道

同上

朝野尊遺老山村有逸民書傳東晉法詩接晚唐人
樂易胸中道風流席上珍前賢不可見仰止挹清塵

吳僧守道

同上

仇先生仁近宋季老儒也與白先生湛淵詩名並稱
於吳下人謂之仇白若唐之皮陸也二先生晚年謝
事樂於湖山泉石間多與方外士遊名山勝地佛刹
靈區足跡所到無不有其題詠兵後石刻墨本百無
一二存也此數詩乃仇先生晚年所作錄與天平士
瞻翁者兵後亦失去翁之徒今天平住山復菴禪師
復得之於他人復菴以為傳家之珍徵予題其後行
壯時過天平見翁於松下翁善辨評論古今人物惟

允於詩亦稱道仇白也仇先生詩前輩已曾論余尚
何言哉然是詩既失而復得禪師宜加寶重洪武二
十一年歲在戊辰十二月望日燕山大慶壽獨菴道

衍

同上

吾邱衍

吾邱衍字子行太末人家於錢塘嗜古學通經史百
家言工於篆籀其精妙不在秦唐二季下性放曠不
事檢束眇左目左足跛而風度特醞藉每以郭忠恕

自比自號貞白處士所著有周秦刻石音釋學古編
篆籀之學至宋季其敝極矣子行始倡其說以復於
古而吳興趙文敏公實和之其學乃大明得其傳以

名世者宛邱趙子奇濮陽吳孟思

王禕忠文公集

行工隸書尤精於小楷

潛溪集

吾子行書素書

道備於六經語孟學者舍是則無所歸周衰老聘最
先出其言不能合乎中庸然平陽嘗用之於漢蓋其

清靜為宗而以柔道行之所守者亦約之故也世傳
黃公素書其老氏之徒歟子房千載偉人精忠貫日
月英氣蓋宇宙時然後言動中機會功成志遂明哲
保身三代而下一人而已自今觀之子房之心學果
盡得之此書乎昔時圯上授受果今之書乎不必深
論也明之潘君學道本於經而旁通曲究見素書而
喜之蓋景慕子房之為人而併及其書也道在天地
間亘古今若一賢人君子得之者若合符契惟其所

遇之時不同故其設施有異耳儻使子房生三代盛
時亦必興禮樂致文明功業不止如是而已故效先
覺者當探其心不當泥其迹沙邱之馬牝而黃九方
臯可謂善相者矣明之之意豈果書云乎哉明之所
藏本武林吾邱衍書行以小篆妙今世此卷尤可觀

許謙白
雲遺藁

吾子行小篆卷

古者器物皆有銘三代制作亦可損益丹書所載器

亡文存所尤可思者筆書之不可復見也處士吾子
行小篆精妙當代獨步書此諸銘尚友古人之志蓋
不止秦唐二季間也

道園學
古錄

吾子行小篆杜詩諸帖

故人吾子行手蹟十二紙皆前後得於書夾所藏集
而存之其為人見石塘胡先生所為墓銘後三十年
為至元五年己卯九月九日江村民錢良佑

鐵網
珊瑚

吾子行書招雨師文

吾子行書古文篆韻二帙

此卷為吾子行先生筆也先生名印衍住杭之先花坊時年二十七即不下樓樓上下分業子弟客至僮輒止不便登通馬使登乃登先生好古變宋末鐘鼎圖書之謬寸印古篆實自先生倡之真第一手趙吳興又晚效先生法耳所著有學古編字源七辨篆品三十八則私印有竹素山房吾氏子行我最嬾懷真樂飛丹霄數印印鼻小韋帶常在手弄之蓋欲和其

四稜令有古意是本真子行專業秋巖得而證寫之
者焉至正七年歲次丁卯五月望嘉禾陶九成識

瑚 珊

網

吾子行為錢塘人不仕不娶離世異俗好古博雅隱
居教授四方之士相傾慕者冠履交於戶內而子行
不以貴賤為低昂可者與之不可者拒之居僅容膝
迎送未嘗下樓留心古道樂志簞瓢不與世俗爭妍
蓋亦尚友千載者弘治初得說文解字篆韻於沈石

田氏所少者古文篆韻耳今復得子行手蹟不惟點
畫足法且合之成全書良足快心耳嘉靖甲午中秋
菽園庸史王鴻羽識

同上

吾子行招雨師文

子行名衍武林人天性高抗讀書攻古文辭兼精於
篆籀音律之學宋學士王忠文公皆作傳其平生著
述甚富行於世者有學古編楚史禱祀晉文春秋三
書此文蓋書以遺吾鄉錢翼之者舊嘗見於友人朱

堯民家今歸沈津氏

寓意編

趙期頤

趙期頤字子奇汴梁人官至陝西行臺治書工於篆

書史

會要

宛丘趙期頤以書名世得之吾行者為多

潛溪集

期頤篆迹渾樸高古以禹碑周鼓為宗無一筆陽冰

擇木

六研齋

吳叡

吳叡字孟思杭州人少好學工翰墨尤精篆籀凡歷
代古文款識制度無不考究得其要妙下筆初若不
經意而動合矩度識者謂吾子行趙文敏不能過也

自號雪濤散人

劉基覆
詠集

吳叡工小篆勻淨道逸亦能品也

六硯齋
二筆

錢選

錢選字舜舉號玉潭雲州人宋景定間鄉貢進士

圖繪

寶鑑

錢舜舉小楷亦有法但未能脫去宋季衰蹇之氣

書史

會要

白珽

白珽字廷玉錢塘人官至婺州路蘭溪州判官所居

西湖有泉自天竺來及門而滙榜之曰湛淵因以自

號晚歸老栖霞又號栖霞山人長於詩文翰墨雖其

餘事亦有晉魏風

潛溪集

白珽書學宋元章

書史會要

吳福孫

吳福孫字子善杭州人效趙文敏公書得其早年楷法之妙兼工篆籀文敏極稱許之阿榮大學士以其所作小楷書數萬字上進因得召見庫庫學士方侍書於閣中前奏曰臣濫得能書名如吳福孫所書雖臣亦有所不及上領之命侍臣引金鐘酌酒以賜至正六年授松江上海縣主簿自號清容野叟

黃文獻公集

李侗

李侗字士弘號員嶠真逸官至集賢侍讀學士

圖繪寶鑑

李侗河東太原人好學尚氣劬神苦思務求博洽而

後已故其遊戲筆墨皆超悟不羣

鐵網珊瑚

集賢學士河東李公士弘以好書名天下稍暇則取

晉右軍縱筆擬為之所居山房之牕辟几榻硯席諸

供具花物皆奕奕有晉氣由是以擬晉題其顏

戴表元刻

源集

李士弘臨右軍明府諸帖

李公無帖不臨可謂好學也已僕亦好書者然無暇

臨古帖但羨士弘耳子昂

鐵網
珊瑚

擬晉齊臨帖用筆圓活精到其勤篤可為世法余每

見愧悚不已自恨昏惰無此工夫耳黃石翁

同上

臨古人書多苦局促鮮能得其韻趣余素聞李公善

書今觀此帖誠得逸少筆意無愧前人也

同上

士弘天資高邁風神秀朗宜其筆墨超然蜀郡虞集

同上

右集賢侍讀學士李公士弘手臨晉王右軍明府等
 帖真蹟一卷士弘名侗河東太原人好學尚氣劬神
 苦思務求博洽而後已故其游戲筆墨皆超悟不羣
 此卷雖臨倣古人而清新婉麗自有一種風度是可

珍也泰定四年七月壬辰吳郡陸友仁書同上

今人臨帖自松雪翁後便到員嶠真逸謂皆有晉人
 風裁此卷又薛道祖與米老書者寶晉之流世豈無
 斯人仙遊去已矣興懷感悼錢良右敬題同上

余幼時每見士弘公與先君議論談笑使人敬服不
已其文章政事為當世之所推重人但知公之能書
而不知公之為人者有不在於此東昌高晉同上

緊游藝擬晉氏河東李後十年筆墨仙茲其傳弋陽

李瓚同上

員嶠作畫息齋伯仲間其臨摹又頡頏於松雪困學
二老斯時有三君子而能追及之可謂難矣員嶠至
今存雖獨步可也翰墨特其餘事至於立身宦途而

志趣常超然於物表此吾所以起敬者也至順辛未

仲春望日後學黃公望

同上

龍跳虎卧世眩淑忒繫其古心員嶠真逸李升

同上

論書至於孫過庭姜白石盡善盡美矣他皆未足為

評也姜謂臨書多得其筆意而失其位置今再觀員

嶠所臨兼無位置之失非其胸中熟於二家之論恐

未易致也良右題

同上

公在延平政事之餘留意翰墨故臨帖為最多此

卷又其精妙者亦何憾於古人耶吳興趙雍題

同上

余昔侍李學士見其作書多喜矮桌執筆甚高臨帖亦然其精熟如此非拘拘摹倣者比宜其遺墨若斯

之精妙也鄱陽張昕子東

同上

喬篲成

喬篲成字達之號中山

雲烟過眼錄

喬篲成見右軍干嘔帖朱巨川告跋書法不能佳而考據頗精洽據此書尾謂早歲苦吏事叢勝不為詩

當亦是邑州判官也

弇州續藁

王侯

王侯不知何許人嘗僉浙東廉訪司事書蘭亭書院

扁其姓名乃與宋王侯書蘭亭扁者同

書史會要

全楚卿捨天章寺旁菴田三十畝為蘭亭書院其扁

乃廉訪分司王侯書之

癸辛雜識

張伯淳

張伯淳字師道杭州崇德人少舉童子科尋舉進士

至元三十三年薦授杭州路儒學教授大德四年拜

侍讀學士

元史

伯淳少善書法應童子科給巨筆大紙寫字伯淳書

天字以進詰之對曰惟天為大惟堯則之

養蒙先生集

王仲謀 宋齊彥

王士熙云淇上王仲謀上黨宋齊彥吳中趙子昂三

家世皆稱善書者

元文類

鄭瑤

鄭瑤字彥英與趙魏公同時其書甚相類

書史會要

章德懋

章德懋與趙魏公同時專學公草書每與公代筆以

應求者之責

書史會要

葉文炳

葉文炳未詳何許人陳子振有詩贈之云墨妙當今

亞子昂

劉璋書畫史

彭師立

彭師立不知何許人趙文敏公嘗贈詩云學書工拙
何足計名世不難傳後難當有深知書法者未容俗
子議其間蓋勉其學書也

書畫
史

滕野雲

滕野雲不知何許人能詩善書趙松雪贈詩云閒吟

淵明詩靜學右軍字

書畫
史

姚淡如

王逢贈詩云淡如早歲名家駒學士趙公坐以隅大

歷詩指授永和帖鈎摹

梧溪集

哈喇

哈喇字元素雅爾喀幹人登進士第官至中政院使

能文辭其書宗喀喇正齋

書史會要

徐應虎

徐應虎人稱文蔚先生通諸經長於詩且善書立碑

碣者多求焉鮮于樞極器重之

潛溪集

卞仲祥

卞仲祥能詩詞善書法結交名勝與周景遠馳劉時

中致友愛

狄斯彬野志續編

卞瑛 卞珏

卞瑛字仲玉仲祥孫能書弟珏字仲寶亦能書

野志續編

龔其璠

龔其璠字子敬自高郵徙平江刻苦於學戴帥初仇仁

近胡汲仲皆與為忘年友官至儒學副提舉

存晦齋集

龔其璠書有晉宋人法度

書史彙要

龔子敬宣城詩并識卷

余生江南所敬二子敬先生吳興姚儒行何可企及
此龔公所著對之歛衽迺西閨三月廿八日暮夜
過京口天錫示此卷其述懷二章真無愧古人子敬
今亦古人矣噫句曲外史張天雨記
式古堂書
畫彙考
壬子秋八月余同叔明兄養疴於汾湖之濱承京口
郭天錫廣陵王伯容兩來慰訊携龔子敬所寫詩一
卷見示嗟嗟子敬逝矣書法絕矣外史張君與余有

三十年之交近聞隱僻修真會晤未卜何時荆蠻民

李肇亨識

同上

王桂

王桂字仲芳自號月溪婺之東陽人為文有前輩典
刑尤工於歌詩樂府駢四儷六之語善楷書端勁方
嚴得顏柳遺法元初署處州麗水縣主簿受而不赴

黃文獻

公集

荀宗道

荀宗道字正甫保定人弱冠從郝經往為書佐及歸竟以儒名家官至國子祭酒詩文書法皆具晉唐風

致

續弘
簡錄

阿尼哥

阿尼哥尼波羅國人也至元十五年授光祿大夫大

司徒領將院事贈太師涼國公上柱國謚敏慧

元史

阿尼哥善大字

書史
會要

廉希貢

庶希貢字薌林輝爾人官至昭文館大學士封荊國

公善扁榜大字

書史
會要

周嶷

周嶷蘄黃人博識古文於篆隸尤癖嗜遠近碑刻藉
手以為寶重然有求書者或非聖賢理道雖百計懇

率不與儒者以是多之故所行世亦絕少

續弘
簡錄

祖子靜

祖子靜吳人習篆師二李

書史
會要

夏日孜

夏日孜字仲善吉安人登進士第官會稽縣尹楷學

顏魯公

書史
會要

李章

李章字君章東平人性通簡書法亦可尚

書史
會要

張衡

張衡字士衡樂陵人官至中書省員外郎少以才學

知名草書師張長史

書史
會要

李有

李有字仲芳燕人官至兩浙都轉運鹽使司經歷通

雅博暢尤工古隸

書史
會要

曾遇

曾遇字心傳華亭人官至吉安主簿前至元末被選

入京書泥金字藏經

書史
會要

李處巽

李處巽字元讓東平人至元間能小篆

書史
會要

李處巽行書范文正公祠記

題跋已見
九十二卷

程鉅夫

程鉅夫名文海以字行世祖時授宣武將軍管軍千

戶他日召見應奉翰林文字尋進翰林修撰大德八

年拜翰林學士追封楚國公謚文憲

元史

鉅夫字體純正下筆暗合書法亦工大字

書史
會要

鄧文原

鄧文原字善之一字匪石綿州人至元二十七年辟

為杭州路儒學正至治二年召為集賢直學士兼國

子監祭酒贈江浙行省參知政事謚文肅

元史

鄧文原正行草書早法二王後法李北海虞文靖云

大德延祐間漁陽吳興巴西翰墨擅一代黃文獻奉

勅撰公神道碑云工於筆札與趙魏公齊名

書史會要

鄧文肅臨急就章

急就篇漢黃門令史游作蓋推本蒼頡爰歷博學凡
將等篇而廣之也今石刻相傳為吳皇象書比顏師

古所註者無焦滅以下六十三字又頗有訛脫始
東漢人以用藁法寫此章故又號章草此卷前元鄧
文肅公所臨公繇房山高公薦入掌制誥出示憲節
斯乃應奉翰林時為仲雍所書觀其運筆若神輪出
海飛翔自如仲雍名熙于閩人好古博雅為吳郡判
官建言助役法民便之弘農楊子綸出示求題故并
及之洪武十二年三月清明日後學袁華書於鰲峰

精舍

珊瑚網

嘗論急就篇此小學家之說漢史游效凡將為之也
未叙長安涇渭街術後或增以齊國山陽二章宋歐
陽修居史館日以餘力及於是篇取州名裒次之然
是篇去古逾遠不無脫漏舛訛人欲辨其失得而增
補亦徒自勞耳漢人以藁法書之故曰章草此草書
之祖也近世多尚草真行未始學而先習草如人未
能立而欲走蓋可笑耳况章草之來作於科斗籀篆
觀其運筆圓轉用意深妙焉有不通篆籀而能學者

哉苟有聰明之人雖不通籀篆能髣髴其形似奈刻
鵠不成何耶自東漢以降臻乎妙者惟皇象鍾繇王
右軍而已唐宋間人臨鍾王所書亦不多見欲習之
者不通篆籀誠難乎哉此卷巴西鄧文肅公所臨公
在元時獨以文章名世而以能書名世世號稱三大家
公與馬觀公運筆用意甚合古人之妙此卷實希世
之寶也亮上人出示乞余題余故以草書之難習併
錄於卷末非但以警於人而有以自警也洪武二十

七年蒼龍甲戌秋八月獨菴道行寫於海雲東軒

同上

袁桷

袁桷字伯長慶元人大德初薦為翰林國史院檢閱
官陞應奉翰林文字至治元年遷侍講學士朝廷制
冊勲臣碑銘多出其手贈中書省參知政事追封陳

留郡公謚文清

元史

袁桷書從晉唐中來而自成一家

書史會要

袁清容書快利沉頓亦是誠懸兒孫

恬致堂集

袁裒

袁裒字德平與伯長為族兄弟善書法隱沙家山

清容

居士集

唐仁祖

唐仁祖字壽卿畏元人祖曰唐古直子孫因以唐為

氏成宗尊太母元妃為皇太后以仁祖善書特勅書

冊文大德五年授翰林學士承旨追封洹國公謚文

貞元

史元

班惟志

班惟志字彥功號恕齋大梁人官至集賢待制江浙
儒學提舉初徽仁裕聖皇后以泥金寫大藏鄧文肅
舉惟志入經局補州教授累官至今任早歲宗二
王筆勢翩翩不失書家法度晚年學黃華應酬塞責

俗惡可畏文宗嘗評其書如醉漢罵街

書史
會要

惟志行書清健出塵不在趙王孫下

表
中
道
游
居
錄

顧信

顧信字善夫元大德初為浙江軍器提舉以能書稱
從趙文敏公游得其書必鑄於石作亭扁曰墨妙晚

年號樂善處士

六硯齋
二筆

陳夢魁

陳夢魁字希元登咸淳甲戌進士大德末典校嶧縣
庠留意書法嘗得王右軍執筆圖懸腕者二腕就几

者一能依其執筆隨意所之略無滯礙

王肯堂贊
岡齋筆塵

史文卿

史文卿字景賢自號石牕山樵泊然宦意翰墨清灑

清容居

士集

郝思溫

郝思溫號東山雪菴高弟何中有郝思溫大字歌云

瘞鶴銘摩崖碑後來者誰誰繼之我嘗見龍溪之字

大如箕五百年間無此奇雪菴老東山子優鉢曇花

重現世崑崙以為筆東溟以為硯青天以為紙為我

寫太平兩大字持獻天皇九九八十一萬歲

何中知非堂集

程泳

程泳字孟游號友山世居休寧書得顏柳楷法定字先生

集

趙儼

趙儼字子威真定人官至翰林學士善古隸書史會要

史性良

史性良字顯甫鄆城人官至中書平章政事書有晉

人法度亦能大字書史會要

王龍澤

王龍澤

成宗時人

余村玉皇觀壁間松菴二隸字是大德

間狀元王龍澤所書頗極奇偉

金陵鎖事

陳曾

陳曾字守約閩人黃慶翁菊山說大德丙午陳曾書

珊瑚網

姚燧

姚燧字端甫武宗時為翰林學士承旨謚曰文燧之

學有得於許衡為世名儒為文閱肆該洽春容盛大

有西漢風

元史

吳萊題姚文公草書云我公宴坐展詩史燈下搦管

草數行鸞鳳盤回恣舞躍蛟龍倔强高騰驤

淵穎集

姚牧菴書重陽仙蹟記

重陽仙蹟記金翰林修撰劉祖謙撰而姚牧菴燧至

元世祖朝以安西文學為書書法全學宋文貞碑比

之孫李不作墨豬氣而文亦能略去幻化語稍蘊藉

不為其徒張帝也重陽得無師智近六祖而懸識若

誌公蹤跡又似萬回真異人哉

弇州山人藁

王顯

姚燧李平章畫像序云李道復日侍講讀嘗召畫工
肖其形賜號秋谷命集賢大學士王顯大書之手刻
為扁而署其上

郭貫

郭貫字安道保定人延祐二年拜中書參知政事至

治元年為集賢大學士追封蔡國公謚文憲精於篆

籀當世冊寶碑額多出其手

元史

張珪

張珪字公端自號澹菴大德三年拜江南行臺御史

武宗即位召拜中丞延祐二年拜中書平章政事封

王蔡國公

元史

公端學書腕力尤健端重嚴勁無慙筆諫之臣

道園學古

錄

元明善

元明善字復初清河人弱冠遊吳中已名能文章薦為安豐建康兩學正仁宗居東宮擢為太子文學及即位改翰林待制延祐中陞翰林學士追封清河郡

公謚曰文敏

元史

明善書體純熟守李北海矩度

書史會要

范元鎮

范元鎮字元亨其先蜀人居安福元貞初詔求能書

金經者元鎮在選中經成補湖南掾累遷郴州桂陽

尹

元文類

元鎮字...

...

...

...

...

六藝之一錄卷三百五十六

欽定四庫全書

六藝之一錄卷三百五十七

錢唐倪濤撰

歷朝書譜

元

虞集

虞集字伯生宋丞相允文五世孫從吳澄遊授受具
有源委大德初以薦授大路路教授文宗在潛邸已
知集名既即位除奎章閣侍書學士贈江西行中書

省叅知政事護軍封仁壽郡公闢書室為二室左室

書陶淵明詩於壁題曰陶菴右室書邵堯夫詩題曰

邵菴故世稱邵菴先生

元史

虞集真行草篆皆有法度古隸為當代第一

書史會要

喀喇庫庫評虞仁壽札謂其雄劍倚天長虹駕海不無
曲筆又謂如鶯雛出巢神彩可愛頡頏未熟斯則得

之

弇州山人續藁

虞伯生書雍公誅蚊賦

觀雍公少年之作可以豫見報國之志觀卽菴詳書
之意可以深惟追遠之情忠孝藹然萃於一門嗚呼
盛哉閑上人同是蜀人故獨得之當刻石寺中以傳
永久庶不為他時夜壑舟也至正十五年乙未三月

後學蘇大年頓首謹書

書畫題
跋記

右卽菴虞公所書其先丞相誅蚊賦藁也賦藁初藏
於侯頤軒家後為韓大則所得獻於公之先君子井
齋先生後公至吳侯道士因龍興閑上人謁公於寓

所一見具言賦藁公軒然而笑曰我已得之矣侯道士為之惘然蓋大則初假之於侯而即以歸於公家而侯初不知也元統乙亥閑上人謁公於西江遂書以贈焉頤軒本洞庭仙壇道士其度師楊紫霞與侯亦蜀人宋季來吳一時名士之寓吳者若中書劉公丞相吳公皆與之交遊名重於時寶祐間自吳游天台中書公為之唱首作詩以餞其行而先師平舟先生亦次韻焉先子與侯交游粗深嘗出以示之先子

求至懇切而侯迄不出先子歿後三年侯亦相繼而
逝其徒李碧山與椿相知因予之請即以歸之至正
甲子冬十月閑上人因持此卷訪予於家而徵予言
予惟侯之平日靳吝於兩家遺墨眇若永為其有既
而卒歸於其後人豈故家文獻不絕如綫而天固假
侯靳吝以待我後人邪所惜者公之先君子猶克親
得賦藁而予先子雖獲一見乎舟遺墨而終不能得
之於生平也今公既即世而閑上人已老予恐事之

或湮故為詳著於此云眉山楊椿跋

同上

虞邵菴書擬峴臺記并詩

南豐先生記擬峴臺謂其山谿之形擬乎峴山也使
他人屬筆必更引羊叔子事而先生終篇但述風物
觀游之勝及夫裴使君簡靜之治而已蓋衆人之所
必言乃先生之所不必言也王文公詩則終始引叔
子以致美裴君蓋賦咏之作與紀實不同各一奇也
邵菴虞公並取而書之厥有旨哉又嘗聞先生既為

臺記裴君畀田若干畝即先生所置義田今在臨川
後湖者此亦竒事虞公記先生祠叙義田而不及此
必別有謂然書以附於臺記之後豈亦牽連可見之
意邪太樸親得此卷於公當有以知之一范文正公
置義田於蘇孫子遵守至今不廢嘗竊嘆以為世之
若此者一家耳今讀學士虞公所著南豐先生祠堂
記知先生亦有義田在臨川金溪世守規約與范氏
同兩家盛德之長異哉夫以范公之忠義功名天下

所倚賴而甫參大政以歿位不滿德焉曾氏三兄弟
子宣為相子開翰林先生止西掖名位亦有差子開
雖賢而魁然以儒學文章重者又莫先生若也嗟夫
宋之賢人君子若范公之與先生者希矣其君之國
有不能保而二家之田獨至今存且將傳之無窮則
當時不究其施有不足恨而其子孫所以為憑藉扶
持者又豈竭其勢力之所可能哉觀於此者可以有
省矣至正元年歲辛巳十月下旬東陽吳師道書於

京師居賢坊官舍

同上

右奎章閣侍書學士虞公書曾文定公擬峴臺記及
公自作新建曾公祠堂記附以王文公臺詩以遺臨
川危素太樸甫積昔從公於京師自天曆以後公日
在閣下而又總裁史事非大制作多不及親書又苦
目昏今觀此卷道粹整密所罕見也至元三年正月
十又六日門人九江方積同豫章楊鎰觀于鄔子柴

同上

虞公篆法八法楷書暨文章皆萃美於茲卷而南豐先生之文行又因以起百世敬慕於無窮焉非苟玩其詞翰而已至元六年歲次庚辰夏四月十八日金華王餘慶識於吾友太樸危君京師迎陽坊之寓舍

同上

文定公初置義田令子孫本房不得食文昭公增置田乃令食之太樸熟見其家規約云爾文定之不自私文昭之均其施皆可書也吳師道又識

同上

曾文定擬峴臺記王文公詩奎章閣學士虞公所製
文定公祠記三者又皆虞公手書之虞公蜀人今家
居臨川文學與曾王兩公相望而此卷實具有之嗚
呼美矣太樸宜與曾氏子孫求貞石使吳中石工并
刻之臨川有崇觀焉晉安陳旅

同上

前賢不苟作落筆便可傳世今觀元虞文靖公所書
曾文定公擬峴臺記附以王文公詩而跋之又書所
作文定祠堂記於後二記一詩議論根據鏗然金石

聲文章家取為楷式者是豈苟云乎哉元統癸酉適
公病目歸田之後年六十有一矣而篆隸書皆端整
若此非其平日運意精密筆路純熟惡能爾邪卷尾
有吳元儒吳師道諸名人跋皆當公存日為危太樸
先生題者蠅頭細書無一筆苟師道凡二跋尤精確
有深意其可以繼公而無愧也公書此卷後十七年
而捐館又後百三十有四年環觀于翰林修撰吳君
原博所原博屬題因得留几格間臨玩數月乃敬識

而歸之連城之壁不足多也成化壬寅中秋泰和羅

璟于紫垣西之冰玉齋敬題

同上

先生詞翰率爾雅端重觀之不覺起敬東白子識

同上

右虞邵菴先生擬峴臺記四隸字南豐曾氏新建文

定公祠堂記十二篆字楷書記文一通詩跋各一首

書家者流所謂人品高師法古者殆兼有之此危太
樸家物傳至庶子吳君原博益百四十年于今矣祠
堂記及跋皆先生所著臺記出文定者皆世所傳誦

而王荆公詩筆亦與此時作者不同然則此卷雖謂之三絕可也原博博古能文且邃書法其以予言為將無同乎卷尾有黃晉卿題名宋景濂陳衆仲吳師道跋語又出三絕之外詩所謂尚有典刑者竊有慨焉姑識其紙隙以俟後來君子弘治元年戊旦日南至長沙李東陽書

同上

虞邵菴書東林禪寺記

題跋已見

虞邵菴隸字

元柯博士九思在文宗朝最受知遇觀訓忠一碑可
見後博士失寵退居於吳相傳今城東胭脂橋即其
故第此卷流落吳中已百餘年為郡士沈津所得虞
公文翰妙絕一世其隸書之傳人間者特少沈氏之
寶之也宜哉

寓意
編

虞道園書賜碑贊

道園先生正書八分俱入能品此卷為柯九思博士
作賜碑贊用筆若草草而中自遒勁有古挑截法其

文辭尤雅淨可誦雖然令舜華一經意亦自到也

州

續葉

虞道園詩蹟

道園先生書法可甲乙夔趙此書筆雖適而結法少

疎詩語亦不甚經意獨結尾使事押韻皆狙駿可喜

耳

弇州續葉

揭傒斯

揭傒斯字曼碩龍興富州人早有文名延祐初授翰

林國史院編修官元統初陞集賢學士再陞侍讀學士贈護軍追封豫章郡公謚曰文安善楷書行草朝廷大典冊及元勳茂德當得銘辭者必以命焉元史

揭傒斯正行書師晉人蒼古有力書史會要

傒斯楷法精健閑雅行書尤工國家典冊及功臣家傳賜碑遇其當筆往往傳誦於人四方釋老氏碑版

購其文若字衮及殊域圭齋集

揭文安雜詩卷

昔唐宋之韓柳歐蘇以文擅名時稱四大家元有虞
楊范揭以詩鳴世人亦謂之云余近日顏榮進閉門
却掃倦則遊藝雅好博古展卷評品至視文安公手
書已作詞格清麗筆法婉媚似得晉唐人逸韻由其
心志非力可勉若困而學之終不能入豈可與庸鄙
用習共鑒定其甲乙若斯人者當時罕有與之儔匹
余特寶重是卷獨歎其高處不必世論之同也賞音
者自以余為然予何言哉明嘉靖己未歲仲夏十又

一日在北窗下書退密齋主人墨林項元汴力疾饒

舌

式古齋書
畫彙考

揭文安書千文 題跋已見

揭法

揭法正書得用筆意

書史
會要

揭法字伯防溪斯子以

蔭補祕書郎遷國史編修官歷官肅政廉訪司事守

建寧

揭雲

揭雲字之德文安孫正書學智永

書史會要

蘇爾約蘇哈雅

蘇爾約蘇哈雅其父名格濟格後以貫為氏復以酸齋
自號仁宗在東宮選為說書秀才踐阼拜翰林侍讀
學士辭還江南晚年為文日邃詩亦冲澹草隸等書
稍取古人之所長變化自成一家所至士大夫從之
若雲得其片言尺牘如獲拱璧贈集賢學士追封京

兆郡公諡文靖

元史

酸齋富文學工翰墨其名章俊語流於毫端者怪怪
竒竒若不凝滯於物即其書而知其胸中之所養矣

書史
會要

貫酸齋書歸去來辭

酸齋公如冥鴻逸驥不受增繳羈勒而其蟬脫穢濁
逍遙放浪而與造物者游近世蓋未有能及之者其
自謂平日不寫古今人詩草而獨慕陶靖節之為人
書其歸去來辭觀者殆不可以尋常筆墨蹊徑求之

也至正十年五月二日臨海陳基識

夷白齋集

許謙

許謙字益之金華人受業金履祥之門盡得其所傳
其他若天文地理典章制度食貨刑法字學音譜醫
經術數之說亦靡不該貫延祐初居東陽八華山學
者翕然從之嘗以白雲山人自號世稱為白雲先生

賜謚文懿

元史

吳澄

吳澄字幼清撫州崇仁人左丞董士達薦澄有道擢
應奉翰林文字英宗即位超遷翰林學士所居草屋
數間程鉅夫題曰草廬故學者稱之為草廬先生贈
江西行省左丞臨川郡公諡文正元史

吳澄深究六書之義直用篆法而結體加方以成一

家之法書史會要

何中

何中字太虛撫之樂安人以古學自任同郡吳澂揭

侯斯皆推服之至順二年岳柱聘為龍興郡學師元史

吳澄送何太虛北游詩序云太虛善書工詩綴文研

經修於已不求人知元文類

黃潛

黃潛字晉卿婺州義烏人延祐二年進士第授台州

寧海丞入為應奉翰林文字同知制誥陞侍講學士

贈江西等處行中書省參知政事追封江夏郡公謚

曰文獻元史

潘筆札俊逸類薛嗣通

危素說
學集

黃潛書宗薛晉公而自成一家危承旨嘗云吾生平

學書所讓者黃晉卿一人耳

書史
會要

柳貫

柳貫字道傳浦陽人始用察舉為江西儒學教諭仕

至翰林待制與黃潛及臨川虞集豫章揭傒斯齊名

人號為儒林四傑

元史黃
潛傳

柳貫善楷法工篆籀妙處不減李陽冰

宋濂浦江
人物志

柳貫於大字得體

書史會要

柳道傳行書縱橫道逸亦鮮于之亞也

六研齋二筆

張鐸

張鐸 字宣卿起巖之祖

東昌錄事判官

元史張起巖傳

宣卿工書得黃豫章米襄陽筆法

圭齋集

張範

張範 字議甫起巖之父

四川行省儒學副提舉

元史張起巖傳

範善吟咏富著述能大小篆隸行楷皆道勁有體

圭齋

集

張起巖

張起巖字夢臣中延祐乙卯進士除同知登州事改
集賢修撰拜翰林承旨學士謚曰文穆博學有文善

篆隸

元史

王士熙

王士熙字繼學東平人官至江東廉訪使贈中書平
章政事封趙國公風流蘊藉為名流所慕書法亦清

潤完整 書史
會要

王士點

王士點字繼志士熙之弟官至四川雲南廉訪副使

善大字亦能篆 書史
會要

陳旅

陳旅字衆仲興化莆田人虞集見其所為文延至館

中朝夕以道義學問相講習自謂得旅之助薦除國

子助教遷國子監丞 元史

旅善古隸行楷亦有法

書史會要

陳衆仲書安晚軒記

題跋已見

陳繹曾

陳繹曾字伯敷處州人諸經註疏多能成誦文辭汪

洋浩博官至國子助教

元史陳旅傳

繹曾學識優博真草篆隸俱通習之各得其法

書史會要

陳伯孚善飛白如塵縷遊絲秋蟬春蝶

胡雲峰集

朱德潤

朱德潤字澤民吳郡人官征東儒學提舉

畫史會要

德潤文采斌鬱字畫道麗亦頡頏鮮趙

六研齋二筆

朱存復錄范致能四時田園雜興詩卷

范文穆公在宋淳熙戊戌自禮部尚書拜參知政事甫兩月而罷此其田園雜興詩六十首序稱作於丙午蓋公退居吳中石湖之上巳七年其於邨野景物人事親覩而熟諳之悉從筆端貌出真有聲之畫也公在乾道中奉使北庭執節不屈雖北主亦稱其忠

孝宗器公可大用實兆於此然甫用而亟罷豈當時
之不幸歟或謂孝宗欲相公以公未知稼穡之事故
公作此以見志考其時世殆不然歟舊傳壽櫟堂有
石刻筆力遒勁辭翰兼美惜未之見是卷乃元鎮東
儒學提舉存復朱先生所手錄先生以詩文書畫名
一時為趙文敏虞文靖諸公所稱許錄此亦可以見
其高山景行之意矣先生玄孫進士天昭出以求予
題予世農家深知田園之趣少喜諷誦此詩況先生

筆札尤所愛玩披閱之餘不忍釋去敬書此以附名

卷末云李傑識於石城山房

石城山房集

御史姑蘓朱天昭視予以其高祖承復先生澤民手書一卷蓋范石湖四時田園雜興詩也先生勝國名士世多得其畫而罕見其書虞邵菴謂其文為畫所掩書固未暇論也今存復集刊本有大星記跋載予先提舉希蘧府君事予家亦有府君題先生遺墨予與朱氏雖稱通家可也石湖集世不傳浦陽吳清老

嘗作月泉社為詩試實用春日田園雜興為題乃四
時之一時東南名士盡在選中而拘於律體亦未有
能出石湖之外者宜先生之重是詩也況天昭之於
世澤有念祖修德之義又豈獨以詩而已哉予又聞
天昭有睢陽五老圖真蹟溯是以往其世澤尤有甚

遠者尚當於他日考之

懷麓堂集

鄭元祐

鄭元祐字明德遂昌人兒時乳嫗提攜右臂脫胛左

手寫楷書規矩備至世稱一絕又自名尚左生至正

十七年授平江路教授陞江浙儒學提舉

蘇大年遂昌先生鄭

君墓

志銘

顧安

顧安字定之東淮人為泉州路判官大字遒勁法趙

承旨

詹東圖
玄覽

郭昇

郭昇字天錫官至吳江州儒學教授丹徒

式古堂書畫彙考

郭天錫書遺林上人詩卷

了堂上人方外友如天錫者情為至矣故其手跡盈
篋每皆惜之不令有所散逸雖俗士有不及之者宜

勤師拳拳不忘歐公於冥冥中也錢良祐跋

鐵網
珊瑚

郭天錫抄諸賢遺稿

天啟丁卯冬覩郭昇手錄詩文一帙格外上下俱命
墨可想其書畫擅勝倪迂追念郭髯我所愛者也余
時病未痊聊摘一二旋為鬻古者索去姑存此以俟

延津劍合淋漓滿志爾

珊瑚網

陸友

陸友字友仁博雅好古工漢隸八分書尤能鑒辨三代漢魏而下鐘鼎銘刻晉唐法書名畫皆有精識嘗至都下虞奎章柯博士皆善其書言於上未及任用而歸

吳中人物志

友仁追踪石經欲與蔡鍾相上下嘗書八分小篆歌如昆刀切玉不見形迹而剛強之氣溫潤之質望之

儼然

陸友
墨史

陸友好古博雅真草篆隸皆有法

書史
會要

陸友仁書世說

此卷子舊藏又嘗雜書紙尾把玩山澤間後為元鎮
持去至正丁亥十二月四日與元鎮同游梁鴻山攜
在行笈因得重觀故友陸友仁隸書世說數則語感
慨歲月予老矣能幾把卷重題而歸諸清閤閣海昌

張羽

鐵網
珊瑚

楊益

楊益洛陽人歷行臺御史轉員外郎出府南雍

道園學古

錄

虞集贈詩云洛陽楊友直字擬漢中郎

同上

楊益古隸學廬江太守碑亦能篆

書史會要

孫履常

孫履常臨川人虞集環翠亭記云臨川李氏作亭曰

環翠其鄉先生孫君履常書程伯子所賦環翠亭詩

於其上 道園學古錄

朱侯

虞集題其所臨智永千文云國朝吳興趙公遂擅一

代學者瀾倒忽見朱侯作此古法令人執卷惘然 道園

學古錄

皮榮

皮榮字維禎清江人以文學稱於鄉翰墨似舅氏 道園

學古錄

趙良佐

趙良佐字子有喜讀書善行草

吳萊淵
穎集

廖毅

廖毅字弘道建康人能書善為文

淵穎
集

吳正道

吳正道番陽人世為儒家深好篆學著六書淵源字

偏旁辨誤存古韻譜等書吳文正為序之

書史
會要

王肖翁

王肖翁字傅朋金華人起家衢婺二郡儒學錄大德
中陞婺郡儒學正以松江府判官致仕高懷雅興一
寓於詩而尤善筆札論者謂其酷似吳傅朋短章醉

墨人爭寶愛之

黃文獻
公集

戚崇僧

戚崇僧字仲咸金華人不以榮進為念從鄉先生許
公講道於八華山扁其室曰朝陽人稱朝陽先生以
六書之學世儒不講所傳經籍之文多致譌舛乃用

古篆繕寫易書詩儀禮春秋孝經論語大學中庸孟

子將獻於有同以儀禮一經未既弗及上

黃文獻公集

張淵

張淵字清夫吳江人博學好古有詩名尤工書法皇

慶中以薦為東省提舉

松陵文獻

鄭銳

鄭銳字景敏其先滎陽人遷浦江幼穎悟日記數千

言長明春秋暇日習詩及小楷殊有思致延祐甲寅

以明經貢於鄉

圭齋集

張恕

張恕字如心浦江人舉明經歷任武陵東陽慶元學

正素與吳萊柳貫友善書體莊勁得八分之正

浦陽人物

續記

姚子敬

姚子敬吳興人人品高勝其書自楊凝式上泝王大

令儵然埃壒之表

吳師道禮部集

沈璜

沈璜字伯玉元刻趙文敏集乃其所書字極精工世

以為文敏親筆非也

袁中道
游居錄

周仁榮

周仁榮字本心台州臨海人工為文章用薦署美化

書院山長泰定初召拜國子博士遷翰林修撰陞集

賢待制賜謚號曰康節先生

元史

仁榮以文章名而楷書宗歐陽率更尤為時所重

書史

會要

薛漢

薛漢字宗海永嘉人幼力學有令譽泰定元年選國

子助教詩律書楷嚴縝有法而慎慈不矜

魯子暈墓志

薛漢楷書宗歐陽率更

書史會要

薛植

薛植字子立漢之子精於楷書一點畫不苟殊有率

更體格

書史會要

柯九思

柯九思字敬仲台州仙居人遇文宗於潛邸及即位

置奎章閣特授學士院鑒書博士凡內府所藏法書

名畫咸命鑒定賜牙章得通籍蒙署流寓中吳又善

鑒識金石鼎彝之器時吳人陸友號為博物亦歎以

為不及

徐顯裨史集傳

柯九思能詩文亦善書

書史會要

柯丹丘隸書十九首

柯丹丘敬仲於四體八法俱能起雅去俗此以古隸

書古詩宜其合作也十九首中多歎榮華之不久人
命之難期敬仲始受知人主司書畫考功晚途翫
流落江左蓋於篇中有深慨焉是以波拂雖古雅而
不無圍圉之氣昔人謂右軍告誓則情怫鬱柯生殆

近之矣

弇州
續葉

托克托

托克托字大用天歷元年襲授成製提舉司至正元年

為中書右丞相封鄭王

元史滿濟
勃鳴台傳

托克托善大字

書史
會要

托克托書白麟溪三大字

右白麟溪三大字前中書右丞相托克托為浦江鄭太和書溪舊號香巖在縣東二十八里白麟則大和二十六世祖之名也有惠淮者字季淵實白麟十九世孫由遂安遷溪上易以今名示有先也淮之孫綺至太和凡六世太和從子鑑至某又三世皆同居共財朝廷表為孝義門於乎溪流無終時公特書是以寵

之者蓋將勗其門相為悠久哉字畫方毅酷類顏真

卿觀者孰不改容不待贊也

圭齋集

額森特穆爾

額森特穆爾托克托弟為御史大夫陝西行臺監察御史

元史滿濟

勒噶台傳

額森特穆爾亦能大字

書史會要

趙世延

趙世延字子敬其先永古特族人天姿秀發喜讀書究

心儒者體用之學弱冠世祖召見入樞密院御史臺
肄習官政授承事郎天歷二年拜中書平章政事封
魯國公改封涼國公贈太保諡文忠

元史

東嶽廟昭

德殿碑趙世延書

李洞

李洞字溉之滕州人姚燧力薦於朝授翰林國史院
編修官天歷初起遷翰林直學士俄特授奎章閣承
制學士其為文章奮筆揮灑意之所至臻極其妙尤

善書自篆隸草真皆精詣為世所珍愛

元史

李洞書有晉宋家法

書史會要

多爾濟巴勒

多爾濟巴勒字惟仲年十四見文宗適將幸上都親閱御衣命錄於簿顧左右無能書漢字者多爾濟巴勒引筆書之命為尚衣奉御至元元年除翰林學士遷中政使拜中書平章政事喜為五言古詩於字畫尤精

元史

多爾濟巴勒官中政院使日嘗奉勅書鄧文肅公神道

碑

書史
會要

杜本

杜本字伯原清江人博學善屬文隱武夷山中文宗
徵之不起右丞相托克托以隱士薦召為翰林待制至
杭州稱疾固辭致書於丞相遂不行工於篆隸學者

稱為清碧先生

元史

杜本有所編五聲韻自大小篆分隸真草以至外番

書及蒙古新字靡不收錄

輯耕錄

杜本工楷隸楷書結體謹嚴全具八法隸書學漢陽

馥碑

書史會要

杜公書方正嚴重如通經巨儒進止有法

陸友墨史

杜伯原書清真觀碑

題跋已見

歐陽玄

歐陽玄字原功

號圭齋

其先家廬陵遷居瀏陽延祐二

年進士授岳州路平江州同知召為國子博士至元

五年拜翰林學士承旨追封楚國公諡曰文元史

歐陽玄行草略似蘇文忠而剛勁流暢風度不凡未

易以專門之學一律議之書史會要

馮子振

馮子振字海粟官至翰林學士雖不以書名其筆法

似宗黃山谷劉璋書畫史

馮海粟居庸賦

海粟馮公以博學英詞名於時當其酒酣氣豪橫厲

奮發一揮萬餘言少亦不下數千真一世之雄哉遺
墨之出爭以重貨購之或刻之樂石或藏之名山往
往有之則為人寶愛可知矣余藏此卷者久極為珍
秘今以歸蒲圻魏先生先生博雅君子必有以賞識
之斯文為有托矣友生金華宋濂題

式古堂書
畫彙考

段天祐

段天祐字吉甫汴人官至江浙儒學提舉亦號能書

書史
會要

魏敬益

魏敬益字士友洛陽人官至臨江總管古隸學廬江

太守碑亦能篆

書史
會要

張德琪

張德琪字廷玉燕人草書學張長史行書亦佳

書史
會要

牛麟

牛麟字伯祥太原人大字尤為時所稱美

書史
會要

趙鳳儀

趙鳳儀字瑞卿號怡齋汴人官至京畿都漕運使練

達吏治善扁榜大字

書史
會要

傅若金

傅若金字汝礪新喻人官至廣東廉訪照磨長於詩

正書學歐陽率更

書史
會要

許有壬

許有壬字可用其先居穎後徙湯陰延祐二年進士

第授同知遼州事至正十五年拜中書右丞轉集賢

大學士善筆札工詞章謚曰文忠元史

蘇天爵

蘇天爵字伯修真定人釋褐授大都路薊州判官改翰林國史院典籍至正七年拜江浙行省參知政事為文長於序事詩尤得古法學者因其所居稱之為

滋溪先生元史

天爵書學趙魏公書史會要

王都中

王都中字元俞福之福寧州人以恩授南劍路順昌縣縣尹元統初拜河南行省參知政事贈昭文館大

學士謚清獻自號木齋

元史

都中以廉介自持為政簡而不煩大字似其為大小

字亦善

書史會要

王畝

王畝字季野都中子官至成都路判官清峻有高譽

真行草師二王度越流輩

書史會要

張翥

張翥字仲舉晉寧人以詩文知名一時至正初召為

國子助教以翰林學士承旨致仕

元史

張翥蚤年書學鍾元常

書史會要

汪澤民

汪澤民字叔志婺源州人延祐五年登進士第授同

知岳州平江州事至正三年召赴闕除國子司業與

修史遷集賢直學士以禮部尚書致仕追封譙國公

謚文節

元史

澤民為文不事繪飾詩亦清婉尤以善書名家

潛溪集

貢師泰

貢師泰字泰甫寧國之宣城人泰定四年釋褐出身

授太和州判官擢應奉翰林文字至正十五年除戶

部尚書以文字知名

元史

師泰楷書亦善

書史會要

謝暉

謝暉字彥實受業胡長孺之門趙文敏見而愛之授
以書法詩文簡淡雋永作字有法人以得其片紙尺

牘為榮

寧波志

金應桂

金應桂字一之號蓀壁錢塘人能詞章宋季為縣令
元隱居風篁嶺書學歐陽詢築蓀壁山房左絃右壺
中設圖史古器客至清談灑灑不休每肩輿入城幅

巾氅衣望之若神仙云

陳善杭
州府志

杜敬

杜敬字行簡汴人至元大德間朝廷講求禮樂之事
敬與其友張君錫寓居於杭延祐初朝廷首起君錫
為太樂署正次及行簡行簡善鼓琴知音律尤長於
書喜蓄古人墨蹟大冠長裾優游湖山文酒間晚號

夷門老人

杭州府志

諾海

諾海字德卿蒙古扎袞台氏襲福建親軍千戶延祐

六年遷武略將軍鎮撫鎮江萬戶書法本魯公作大

字徑數尺許皆端勁有體

蔣彬廣平府志

莊麟

莊麟字文昭江東人居京口書畫詩文亦婉雅與郭

昇齊名

鎮江府志

蘇愷

蘇愷字伯清眉山人至大元年為寧波教授善書工

詞藻德望偉然

張時徹寧波府志

布哈

布哈好讀書善書仁宗聞而召之應對稱旨欲以為翰林直學士力辭天歷初除通政院判贈禮部尚書

元史楊多

爾濟傳

濟爾噶台

濟爾噶台色目人寓居吳中登天歷元年進士善書

法

姑蘇志

李孟

李孟號秋谷至元中為平章政事字法道勁

馬駁潞州志

智受益

智受益鄧州南陽人以善書負時望至元中擢荆湖

行省都事終兩浙轉運使

鄧州志

謝子龍

謝子龍字雲從力學無所不窺文章典實詩亦溫潤

兼工隸書至正中辟分教郡庠

林應標惠安縣志

謝庭芝

謝庭芝字仲和號雪村善書詩亦工常熟志

崔晟

崔晟工篆隸徐一夔始豐萊

陳仁壽

陳仁壽字景禮上虞人應寫金字經孔行素至正直記

堵簡

堵簡字無傲能書畫為浙省掾張紳元賢翰劉疏

六藝之一錄卷三百五十七

精亦工

書

射子者字景野之類入武備金平

五山
凡行書

射子書

射子之書

射子之書

射子之書

射子之書

射子

射子

射子

射子

射子

欽定四庫全書

六藝之一錄卷三百五十八

錢唐倪濤撰

歷朝書譜

元

台哈布哈

台哈布哈字蕙善巴延岱氏初名塔斯布哈文宗賜以
今名年十七江浙鄉試第一明年賜進士及第授集
賢修撰至正十一年遷浙東道宣慰使追贈江浙行

省平章事進封魏國公謚忠介善篆隸溫潤道勁嘗
重類復古編十卷攷正訛字於經史多有據云

元史

台哈布哈篆書師徐鉉張有稍變其法自成一家行筆
亦圓熟特乏風采耳常以漢刻題額字法題今代碑
額極高古可尚非他人所能及正書宗歐陽率更亦

有體格

書史
會要

台哈布哈自書所作詩

白野尚書向居會稽登東山泛曲水日與高人羽客

游間遇佳紙妙墨輒書所作歌詩以自適清標雅韻
蔚有晉唐風度予猶及見尚書先考郡侯敦龐質實
宛如古人而於華言尚未深曉今有子如此信乎國
家文治之盛然人知尚書才華之美而不知其政術
之可稱也每當論大事決大疑挺正不阿凜然有直
士風而貢舉得賢之效益可稱焉元泰身居方外而
與之友寶其詞翰亦有識之士哉

滋溪集

台哈布哈真書祈澤治平寺佛殿碑題跋已見

烏克遜良禎

烏克遜良禎字幹卿號約齋元中書左丞字流麗在

子山伯機之間

程敏政
篁墩集

余闕

余闕字廷心一字天心廬州人元統元年賜進士及第授同知泗州事俄召入應奉翰林文字至正十七年拜淮南行省右丞追封幽國公諡忠宣留意經術為文有氣魄詩體尚江左篆隸亦古雅可傳

元史

余忠宣小字似不經意而豐處有褚遂良潦倒處有
楊景度林藻豈漫不留意於墨池者所能符合邪

紫桃

軒又綴

余忠宣篆書

右四大篆幽國忠宣公余闕為浦陽戴君叔能書至
正九年公持使者節來鎮浙部濂偕叔能往見公獎
厲甚至且各書齋扁為贈公去浙後江南大亂荆楚
之域皆為偽漢陳友諒所據公時以淮南行省右丞

分治安慶前後皆盜區公乃獨守六年小大二百餘
戰未嘗敗北不幸糧絕城陷公遂赴水死君子稱其
大節與日月争光信哉公文與詩皆超逸絕倫書亦
清勁與人相類然其忠義之氣可以懼亂賊清惡厲
天地因之以位君臣藉之以定斯豈細故雖所書不
工猶當傳之萬世况能臻其妙者乎此紙所在定有
神物呵護見者當如張中丞之詩段太尉之笏聳然
起敬不可徒以翰墨視之公唐古氏余闕其名也字

廷心一字天心元統元年進士世居武威今為合肥

人翰林學士金華宋濂謹題

宋學士集

道通

道通高昌人自號石巖以世胄入官授直省舍人至

正十一年以平章政事行省江西加大司徒開府謚

忠烈

元史

道通工大字能作雙鉤書

書史會要

伯勒齊爾布哈

伯勒齊爾布哈字大用揚珠濟達氏授懷遠大將軍八

番宣撫司達魯噶齊至正二年拜江浙行省左丞相

召還除翰林學士承旨拜中書左丞相七年進右丞

相追封冀王謚忠宣

元史

伯勒齊爾布哈善大字

書史會要

巴延布哈德沁

巴延布哈德沁字蒼崖輝和爾氏高昌王孫個儻好

學初以父蔭同知信州路事又移建德路以功陞本

路摠管至正十七年擢江東道廉訪副使謚曰桓敏

元史

巴延布哈德沁鮮于太常甥草書似舅氏

書史會要

慶通

慶通字明德喀喇氏早以勲臣子孫受知文廟至正

二十年拜陝西行省左丞相

元史

慶通器量弘重政教宣著善大字

書史會要

達實特穆爾

達實特穆爾字九成入國學為諸生讀經史悉能通
大義尤好學書初以世胄補官為太府監至正十五
年為中書平章政事出為江浙行省左丞相

元史

達實特穆爾能書大字學釋溥光小字亦有骨力

書史

會要

實喇卜

實喇卜字敬臣號山齋輝和爾人順帝之師也能詩文

兼工大字每與張翥論文翥多屈服

續弘簡錄

石巖

石巖字民瞻京口人官至縣尹隸書學韓尚書

書史
會要

李敏中

李敏中字好古河南人官至陝西行省郎中工大字

書史
會要

張璪

張璪字公弁保定人官至集賢大學士封滕國公早

以才學知名篆書亦淳古可取

書史
會要

倪中

倪中字中愷信州人官至翰林待制正書端謹清潤

書史

會要

高翼

高翼字茂之南陽人官至嘉興路推官正行草書皆從晉宋規矩中來但以不知六書偏傍時作謬字為

識者所鄙

書史會要

翼善書小楷做樂毅論精悍整飭在揭曼碩之下所

傅極少

六研齋
筆記

汪從善

汪從善字國良杭州臨安人官至邵武路總管正書

亦合晉人紀律兼能大字

書史
會要

任仁發

任仁發字子明號月山松江人官至浙東宣慰副使

書學李北海

劉璋書
畫史

宗椿

宗椿字壽卿山東人官至江南行臺照磨書學王黃

華尤工大字書史會要

余謙

余謙字峻山池陽人官至江浙儒學提舉善古隸書史

會要

孟昉

孟昉字天緯本西域人寓居北平至正中由翰林待

制官南臺御史工書法續弘簡錄

劉楨

劉楨字廷幹燕南人官至福建行省叅政能書

書史會要

胡益

胡益字士弓鄱陽人官叅知政事真草師趙魏公都

下碑刻多其所書

書史會要

羅元

羅元字迂仁平江人行楷有晉人風致

書史會要

錢良佑

錢良佑字翼之平江人吳興趙公巴西鄧公數引拔之署吳縣儒學教諭已代去輒不復出晚自號江邨民人因以江邨先生稱之古篆隸真行小草無不精

絕黃文獻公集

錢良佑至正間以書學名家甫田集

良佑行書高朗卓越風格不讓鮮于困學六研齋筆記

錢翼之書春遊詩卷

右詩一卷律絕共四十有五篇辭旨清麗書法道美

蓋前元時吳壽民仲仁者游吳中與諸文士春遊倡和之作而書筆悉出錢良佑翼之翼之吳人號江邨民雅以書學名家而詩律尤精有高行年六十七卒於至正七年此至元三年書時已六十餘矣真行間出姿態橫生不少衰竭吳人徐宗毓氏藏此使人持以示余余惟吳中山水深秀自昔多文人游寓於時未被兵故得從容文酒如此壽民吳興人出處本末不少概見惟趙文敏嘗叙其詩所謂南山樵吟者稱

仲仁不以家事廢學故其詩清新華婉有唐人餘風
然其詩竟亦不傳非此卷之存固不能識其妙也

甫田

集

錢翼之四體千文題跋已見

張性之

通通跋錢翼之四體千文卷云翼之書此以遺其佳
婿張性之蓋望於性之者其有深意乎性之儒而醫
好古博學者也暇則臨池日不下千餘字雖造次顛

沛一點一畫不苟駸駸逼翼之而窺古人之域自是

不止其當何如哉

鐵網
珊瑚

吳里

吳里字處仁號逸民錢塘人官至江陰州儒學教授

草書師鮮于太常

書史
會要

宣昭

宣昭字伯綱號良齋漢東人有雅行博通古今尤精

翰墨正書師歐陽率更字字該備八法

書史
會要

鄭杓

鄭杓字子經羅源人泰定中辟南安儒學教諭與陳

旅為文字友著衍極五篇衍極紀載三篇其書自倉

頡迄蒙古凡古人籀篆以極書法之變皆在所論宣

撫使齊伯亨采而上之作衍極堂以藏其書何喬遠

鄭杓能大字兼工八分

書史會要

余襄

余襄番陽人工篆而大字尤善

書史會要

程君實

程君實灤源人草書有顛素之體

書史
會要

王翼

王翼字元徽號華陽生金壇人有所篆四書行於世

書史

會要

應在

應在字止善句章人工篆書嘗作篆隸偏傍點畫辨

行於世

吳炳

吳炳字彥輝汴人身安獻畝朝廷三聘不起工篆書

書史

會要

吳炳摹淮源廟碑 題跋已見

邊武

邊武字伯京隴西人行草專學鮮于太常時有亂真

者

書史
會要

邊伯京書千文 題跋已見

邊定

邊定字文静

邊武子

正書學宣昭亦稱善

書史會要

俞鎮

俞鎮字伯貞嘉興人官至建德縣尹行草師李北海

書史

會要

董復

董復字君復沂州人居鎮江書學鮮于太常

書史會要

李申伯

李闕其名字申伯官至集賢待制古隸專學孫叔教碑

得方勁古拙之法書史會要

林鏞

林鏞字叔大嘉興人官至江浙行省員外郎正書學

虞永興而未熟書史會要

王務道

王務道字弘本山陰人古隸學孫叔教碑書史會要

吳志淳

吳志淳字主一曹南人古隸學孫叔敖碑

書史會要

吳志淳隸書國清禪寺興修記

題跋已見

洪恕

洪恕始學鮮于太常亦號能書者後乃放乎法度之

外無足觀矣

書史會要

洪恕字主敬金華人元末避兵

居松江能詩善行草書以教講授終

松江志

胡布

胡布字子申河南人有材氣善草書

書史會要

胡布得書法於宋克或謂與宋克同受學於紹興老

僧書學
傳授

曹楚

曹楚字子學東平人善古隸書史
會要

陳遠

陳遠字元達永嘉人官至崇文少監太子贊善志行

修整真草師二王不以規矩書史
會要

鄭禧

鄭禧字熙之吳郡人亦善書

書史
會要

朱振

朱振字良玉番陽人草學聖教序真師趙魏公

書史
會要

蔣惠

蔣惠字季和號紫芝山人番陽人博學多通機敏有

幹略行草師鮮于太常多晉人氣格

書史
會要

楊遵

楊遵字宗道浦城人徙居錢唐篆隸皆師杜待制

書史

會要

王默

王默書學趙魏公行筆甚健

書史會要

王默字伯靜一字子章松江人善論談喜讀書徵至

京師書金字釋典擬官翰林力辭歸求書者填戶張

天雨稱其豪宕不羈有姜白石之風

松江志

王餘慶

王餘慶字叔善婺州蘭溪人仕為江南行臺監察御

史以儒學名重當世

元史吳師道傳

餘慶草書學夔正齋甚似

書史會要

王順

王順字祖孝餘慶子善正書

書史會要

繆侃

繆侃字叔正詩工玉臺小體書善楷隸

玉山草堂雅集

鄔進禮

鄔進禮字行義武陵人書師趙魏公

書史會要

張體

張體字孟膚江陰人隸書時作顛筆勢蓋學李重光

金錯刀法而行楷亦善又雙鈎書極純熟可喜書史會要

陳睿

陳睿字思可會稽人學藝妍贍真楷宗智永書史會要

唐志大

唐志大字伯剛如臯人多蓄古法書名畫行草落筆

峻激畧無滯思書史會要

曹永

曹永正書學鍾元常行草學二王

書史會要

曹永字世

長松江人穎悟好學尤工八法至正間以蒙古字學

進除安州學正官至巡檢江浙行省辟為宣使

松江志

黃中

黃中字彥美武林人草亦可尚

書史會要

歐復

歐復字伯誠番陽人善古隸

書史會要

易履

易履字安道茶陵人能草

書史
會要

葛萬慶

葛萬慶廬山人居越州號越臺洞主能為詩務出人

不道語善草書酒酣落筆愈得其妙

書史
會要

衛德辰

衛德辰字中立華亭人素以材幹稱書學舍利塔銘

書史
會要

衛仁近

衛仁近字叔剛德辰姪楷書學黃庭經蘊藉有風致

書史
會要

章弼

章弼字共辰松江人篤志經史識度清遠未十歲即

能扁榜大字及長真行草篆皆師趙魏公

書史
會要

陳德永

陳德永字叔夏黃巖人德望清重書宗李北海

書史
會要

范守中

范闕其名字守中黃巖人博綜羣籍才行高潔書師趙

魏公州里碑碣所書為多書史會要

楊彝

楊彝字彥常錢唐人登進士第官至翰林編修篆隸

正書咸可取書史會要

楊惠

楊惠不知何許人任江南行臺監察御史善大小二

篆

書史
會要

龔觀

龔觀豫章人能篆

書史
會要

陶煜

陶煜字明元號白雲漫士上虞典史贈承事郎福建江西等處行樞密院都事早歲學書於雪菴得其典

則

書史
會要

陶復初

陶復初字明本號介軒老人台州儒學教授贈從事

郎温州樂清縣尹小篆師徐張古隸師鍾梁

書史會要

陶宗暹

陶宗暹一名文昭字晉生江淞儒學等處副提舉楷

書學歐陽率更

書史會要

盛熙明

盛熙明其先曲鮮人後居豫章清修謹飭篤學多材

工翰墨亦能通六國書至正甲申嘗以所編法書考

八卷進上覽之徹卷命藏禁中

書史
會要

劉若水

劉若水字澹齋女直人喜弄觚翰

書史
會要

劉堧

劉堧字公坦

若水
子

童時趙子昂賞其秀異書小齋二

字貽之遂自號小齋工詩文精書法恬放自守至正

間辟帥府照磨不久謝歸

書畫
史

劉堧亦能篆

書史
會要

蕭鵬搏

蕭鵬搏字圖南本契丹人金王黃華甥博學多能詩

書畫皆追蹤舅氏

書史會要

甘立

甘立字允從河西人官至中書檢校才具秀拔亦善

筆札

同上

鄂倫圖

鄂倫圖字克莊西夏人官至山南廉訪使以文章

事業著書蹟亦佳

書史
會要

薩都拉

薩都拉字天錫回紇人登進士第官至淮西廉訪司

經歷有詩名善楷書

書史
會要

布哈特穆爾

布哈特穆爾字兼善官至江南御史大夫善大字

書史

會要

喀喇布哈

喀喇布哈字普修雅爾喀幹人官至海北廉訪使篤

志墳籍至於百氏數術無不研覽書宗二王

書史
會要

巴克實

巴克實字彥卿喀喇人官至禮部尚書行草宗晉人

書史

會要

榮僧

榮僧字子仁回紇人登進士第官至江浙行樞密經

歷楷書師虞永興

書史
會要

喜山

喜山字近仁輝和爾人官至集賢都事亦工書

書史
會要

音咱納實哩

音咱納實哩字處元輝和爾人楷書學虞永興而不熟

書史
會要

瓜爾佳希顏

瓜爾佳希顏居江右小篆清勁有法

書史
會要

馬九臯

馬九臯以字行回紇人官至太平路總管能篆書書史

會要

馬九霄

馬九霄九臯弟亦能篆書書史

會要

松壑

松壑以字行蒙古人士夫間多推其書書史

會要

邊魯

邊魯字魯生鄴下人工古文奇字書史

會要

劉有定

劉有定字能靜莆田人能知六書之旨

書史
會要

舒頔

舒頔字道原績溪人至元丁丑辟池陽教諭至正庚寅轉台州學正為詩蒼古不貴纖巧習字尤喜樸拙識者曰宗漢隸非八法也名其齋曰貞素學者稱曰

貞素先生

書史
會要

舒頔自作貞素先生傳云風清畫閒或篆隸數章意

與筆悟則快然自得雖不逮斯繇然時人亦莫予解

貞素

齋集

韓與玉

韓與玉浙人能書迺賢長於歌詩王子充善古文人

目為江南三絕

續弘
簡錄

楊元正

楊元正吉水人官翰林檢討善行草書其隸法師蔡

邕為時所重

續弘
簡錄

李康

李康字寧之桐廬人事母篤孝人稱李孝子工詩文
旁及書畫琴奕無不冠絕一時行省宰臣欲官之以

母老辭

續弘
簡錄

徐仁則

徐仁則字伯敬世為奉化大族早孤奉母鞠弟至行
有聞於時家貧益自勵嗜字學有能名王公碩儒皆

慕重之

廼賢金
臺集

桂梓

桂梓字材甫饒之安仁縣人幼而機敏不隨常兒嬉

狎刻意工字畫

侯菴集

陳穎達

陳穎達官太常善飛白書

陳高不繫舟漁集

桂春山

桂春山號漫翁著草韻清臞峭勁精密妙巧盤旋迴

斡字字中度

黃淵四如先生文集

上官叔權

上官叔權善篆隸

雪坡集

趙杰

趙杰吳興人趙魏公之後行楷宗家學

書畫史

鄭琮

鄭琮字叔方書法得鍾繇筆意一時號能書

鄭玉師山集

汪罕

汪罕官主簿工書善畫所至醉墨淋漓人爭取之以

為奇玩同上

王子玉

王子玉筆工也兼能書

周權此山集

湯彌昌

湯彌昌字師言吳郡人博學能文初授長洲教諭鄱

江清獻兩書院長轉建寧路教授

袁易靜春集

湯彌昌善書

詹氏小辨

程大本

程大本雪樓文憲公子官至奉直大夫祕書監嘗與

馮道恭書度人經其父跋之

劉璋書
畫史

高暹

高暹蜀人善草書

詹同天衢
舒嘯集

翟炳

翟炳字欽夫林州人詩效樂天體尤善楷書道勁可
法與同邑王鼎字大鼎賈竹字彥清俱工翰墨能詩

隱居不仕時稱林慮三隱人

續弘
簡錄

馬孟昭

玉山雅集詩序云今夕之會誠不易得趙善長秉筆

作圖余索孟昭楷書以識

玉山璞藁

呂誠

呂誠字敬夫吳之東倉人幼聰敏喜讀書尤精楷法

玉山草

堂雅集

沈明遠

顧德輝玉山草堂春暉樓綠波亭吳興沈明遠隸顏

玉山名
勝集

張遜

張遜字仲敏姑蘇人博學善屬文書畫俱絕

玉山草堂雅集

李元珪

李元珪字廷璧河東人書法如困學

玉山草堂雅集

李廷璧作行草勁爽可愛

詹東圖
玄覽

陳方

陳方善書

詹氏
小辨

陳方字子貞京口人寓於吳鄭明

德張伯雨倪元鎮皆與之游晚主無錫華彥清家後

不知所終

劉鳳吳先賢讚

錢惟善

錢惟善字思復錢塘人號曲江居士又自稱心白道

人官至副提舉張氏據吳退隱吳江之筒川工書法

其卷冊多留傳人間

續弘簡錄

陳岳

陳岳字申甫不著里籍隱居天台之委羽山善書畫

陸樹聲
題跋

張玄度

張玄度好學工詞翰
雲林集

盧彥昭

盧彥昭海虞人元季嘗從楊鐵崖游詞翰皆清雅可

觀自號絲桐老人
抱翁家藏集

幹哩元賓

幹哩元賓累官監杭郡善書治跡名可稱焉
梧溪集

圖烈圖

圖烈圖字敬夫唐古氏燕山人年甫冠及第授集賢

修撰累遷南臺御史

梧溪集

圖烈圖善大字

書史會要

李介石

李介石字守道以書見省臣命草符檄遂器重之授

松江府提控按牘從守鎮江王逢有寄李守道詩云

西湖有奇士少負不羈才酒外嗜八分席地畫青苔

梧溪集

介石以儒術飾吏事亦能古隸

書史會要

張樞

張樞字夢辰陳留人徙家華亭工行楷日與子弟數十人講春秋或勸之仕不應人以是高之稱曰林泉

民

梧溪集

陶南邨贈夢辰詩云寫書竹簡拈鮮碧臨

帖藤箋搨硬黃

南邨集

任序

任序字本初學古近體詩句法圓熟興趣清遠臨歐

陽率更帖尤得其筆意

汪克寬
環谷集

藍仲晦

藍仲晦書三體千文清健雅麗沈著痛快篆得古意

草隸無一脫法無一敗筆

吳海聞
過齋集

張梅間

張梅間出劉桂隱先生之門工吟咏尤善行草書

周
震

震石

初集

趙良弼

趙良弼字君卿東平人補嘉興路吏調杭州善書

楊晉

楊晉字昇之學顏書頗整巧

鐵網
珊瑚

魏雲瑞

魏雲瑞字祥卿鄂之蒲圻人善學米南宮書得之者

如獲拱璧

潛溪
集

戴士堉

戴士堉字仲積婺之浦江人喜作唐古體詩工晉楷

法潛溪集

張明卿

張明卿字子晦天台人為文章有臺閣體游戲翰墨

筆法穠逸可玩潛溪集

葉孝暨

葉孝暨世居天台雅志好學善楷書煉金石草木為

丹劑稱精妙夷白齋集

楊翮

楊翮字文舉金陵人元末提舉浙江學校楊孟載悼
楊文舉詩云八分書古追東漢七字詩工到盛唐
眉

集

徐恢祖

徐恢祖常熟人至正末嘗集鄉兵捍閭里里人賴之

別號春軒工草書
篁墩集

邵光祖

邵光祖字弘道博學好古於字學尤精研窮六書之

旨有以先賢康節子孫論薦於朝不報張士誠據吳授湖州學正亦不赴以布衣終其身

吳中人
物志

王璪

王璪字仁仲吳縣人學有淵源工詩章書翰尤善鼓

琴隱居不仕自號城南逸民

吳中人
物志

朱燧

朱燧字子新吳郡人勵志苦節工為詩詞尤善行草

肆情山水遇酒輒醉居笠澤之濱後不知所終

吳中
人物

志

孫華

孫華字元實永嘉人僑居華亭誦經考史以博雅聞
尤好岐黃家用薦為醫學教授好修潔所居小閣列
古彝鼎法書名畫焚香靜坐終日書非佳墨熟紙不

作

浙江
通志

俞庸

俞庸字子中華亭人仕為推官書法趙吳興

松江府志

沈性

沈性字自誠吳興人少孤養母以孝聞善吟唐人詩

工八分小篆書畫史

吳壽民

吳壽民字仲仁與吳中文士唱和詩辭旨清麗書法

道美悉出錢良佑翼之所授也甫田集

楊瑀

楊瑀字元誠錢唐人警敏博學天曆間召見奎章閣

命篆洪禧明仁璽文稱旨署廣成局副使終建德路

總管謝政居松江之鶴沙趙仲穆為寫竹西圖

松江府志

王櫛

王櫛字公玉崑縣人操行端慤能詩文且工篆楷

戴冠

紹興志

申屠澂

申屠澂字敬仲諸暨人受業黃文獻公之門得其淵

源工古文辭精篆籀小楷足配秦晉

孫鑣紹興志

柴貞

柴貞南和人為晉寧州學正善楷書古篆

瞿濟遠南和縣志

朱旭

朱旭字子陽為中顯校尉海道千戶不樂仕進退居

田間從士大夫遊通經史工小楷篆隸

太倉州志

成廷珪

成廷珪字元常興化人種竹幾百竿號居竹博學工

書

興化志

劉堪

劉堪字子輿嘉善人至正間隱居讀書工文辭善古

隸

章士雅
嘉善志

馮寅賓

馮寅賓屬文蒼古峭拔書法清勁逼鍾王

尹臺永
新縣志

王得貞

王得貞字義方霍州人至正間為懷慶路總管攻詩

有聲書得草聖之妙

山西
通志

程祺

程祺字子相新城人日記萬言詩篇敏給工書欲與

鮮于樞抗衡趙孟頫相高下

王材江西
新城縣志

崔彥暉

崔彥暉錢唐人號雲林生與王蒙皆吳興趙氏甥隱

居膏藥善篆隸詞賦

陳善杭
州府志

熊夢祥

熊夢祥字自得江西人通羣書旁曉音律能作數體

書以茂才舉教官輒棄去故意詩酒游淮浙間卜居
婁江上自號松雪道人與顧仲瑛為忘年交

錢肅樂
太倉州

志

李世英

李世英字伯英長州人精書學作韻類其義以字為
本音為幹義訓為枝葉自一而二井井不紊凡十年

而成書

蘇州
府志

邵祖義

邵祖義官池州學錄能詩工篆隸

顧清松江志

范寧

范寧池州人善楷書

馮暉徐州志

李希文

李希文任伴讀精篆隸

歐陽東鳳興化縣志

張端

張端字希尹江陰人博學能文尤精書翰累官江浙

都事 常州志

程政

程政績溪人能詩工書

徽州府志

烏延思敬

烏延思敬字子敬色目人寓居東平自稱齊東野老

善書法精於賞鑒

山東通志

張如遇

張如遇東昌人七歲能書大字有司薦於國學

山東通志

周起巖

周起巖福山人博覽經史尤長於書法屢舉不第隱

居於邑北村中

山東通志

顏耕道

顏耕道平江人博古工於詩尤善草書隱居以詩自

娛築室黃山號林泉野老

湖廣通志

陸定龍

汪珂玉元名公翰墨卷有谷陽陸定龍書

珊瑚網

高明

高明字則誠永嘉人式古堂書畫攷有高則誠寄
倪仲權詩并識卷行楷書

六藝之一錄卷三百五十八